


TEZAU LITURGIC
21 APRILIE

SLUJBA
SF. IERARH-MUCENIC
IANUARIE,
EPISCOPUL
BENEVENTO
ITALIEI



MOSCOVA, 2000



**Мѣсяца Априллія въ 21-й дѣнь
Служба святому священномученику
Іаннуарію и дружинѣ его,
отправляемая по Церковному
чиноположенію со всенощнымъ
бдѣніемъ**

НА МАЛЪЙ ВЕЧЕРНИ,

На Господи воззвахъ: стихиры, гласъ 1.

Подобенъ: Всехвальнии мученцы.

Святительскую одежду* свѣтло войстинну украсите* мученія кровію,* и обоюду свѣтло украсившеся,* со ангелы Зиждителю предстаите,* угодницы славни.* Егѡже молите,* даровати душамъ нашимъ* миръ и велию милость. **[Дважды.]**

Богодухновенныя органы,* войстинну намъ явитеся,* возвѣщающе неизреченная Божія таинства* писанія Божественнаго.* Идольское безуміе обличающе,* всѣхъ ко Христу приведете.* Егѡже молите,* даровати душамъ нашимъ* миръ и велию милость.

Словомъ богоразумія* люди отъ невѣдѣнія премудри,* до конца избависте,* и приведете спасены сія* Слову возсіявшему,* изъ Отца рожденному, Христу Богу нашему.* Тому

помолитесь,* даровати душамъ нашимъ* миръ и велию милость.

Слава, гласъ 8:

Отъ временныхъ кругъ прешедше богозванныи, седмицею биеми, и стружеми преходяще, и вси распинаеми за Христа. Ни огнь, ни раны, ни оружье, душъ вашихъ разслабиша крепости, и попрали есте бѣсовскую крепость, священномученицы славнии, тѣмъ молите Христа Бога, спасти души наша.

И нынѣ, праздника.

На стиховнѣ стихиръ праздника. Слава святыихъ, гласъ 4:

Мученицы непобѣдимии, іерарси прехвальнии, и свѣтильницы всемирнии, столпи непоборимии Божественныя Цѣркве, и степень учений, и наставницы благочестивыхъ, и потребителие бысте ересей, отцы богомудреннии, свѣтли наставницы душъ нашихъ, ангеломъ собесѣдницы, и Троицѣ поборницы.

И нынѣ, праздника.

Тропарь, гласъ 4:

Боже отецъ нашихъ, творяй присно съ нами по Твоей кротости, не остави милость Твою отъ насъ, но молитвами ихъ въ мирѣ управи животь нашъ.

Слава, и нынѣ, праздника. Ектенія и отпустъ.

НА ВЕЛИЦѢЙ ВЕЧЕРНИ,

Поёмъ Блаженъ мужъ, 1-й антифонъ. На Господи возвахъ.., стихиры праздника 3 и святаго Іаннуарія 5, гласъ 4. Подобень: Яко добра.

Священникъ священнѣйшій,* страдалецъ законенъ,* о Іаннуаріе, ты былъ еси,* не чуждыми кровьюми,* но твоими паче* въ самое то небо вшедъ,* идѣже Предтеча всѣхъ естъ Исусъ,* присно Сего, отче, зря и видя,* Егоже ангели видятъ. **[Дважды.]**

И мечемъ усѣкаемъ,* и на огнь пометаемъ,* и звѣремъ даемъ, досточудне,* и въ темницѣ затворяемъ на дни многи,* непреклоненъ умомъ* силою Божественною пребылъ еси* и скончалъ еси подвигъ, законно пострадавъ,* священне чудоносне,* безплотныхъ собесѣднике. **[Дважды.]**

Дисидерія, и Прокула,* Соса, Фавста, Евтихія,* Іаннуарія славнаго* и мудраго Акутіона* согласно почтимъ,* яко мудрыя священнодѣйственники,* яко вѣнценосцы мученики,* яко града святаго

гражданы,* моли́твенники же тѣхъ, блажа́щихъ истинны су́ща.

Сла́ва, гла́сь то́йже:

Свяще́нникъ свяще́ннѣйшій,* страда́лецъ зако́нень,* о Іаннуа́ріе, ты́ бы́ль еси́,* не чужди́ми кровью́,* но твои́ми па́че* въ са́мое то́ небо вше́дь,* идѣ́же Предте́ча всѣхъ е́сть Иису́съ,* при́сно Сего́, о́тче, зря́ и ви́дя,* Его́же а́нгели ви́дятъ.

И ны́нѣ, пра́здника.

Вхо́дь. Проки́мень дне́ и чтене́я три́.

Проро́чества Иса́инна чтене́е. [Глава́ 43.]

Тако глаго́летъ Госпо́дь: вси́ язы́цы собра́шася вку́пѣ, и соберу́тся кня́зи отъ ни́хъ, кто́ возвѣ́ститъ сія́ въ ни́хъ? Или́ я́же отъ нача́ла, кто́ слы́шана сотвори́тъ ва́мъ? Да приве́дутъ свидѣ́тели своя́ и оправда́тся, и да услы́шатъ, и да реку́тъ и́стину. Буди́те Ми́ свидѣ́тели, и Азъ Свидѣ́тель, глаго́летъ Госпо́дь Бо́гъ, и отро́къ, его́же избра́хъ, да позна́ете и вѣ́руете Ми́, и разумѣ́ете, я́ко Азъ е́смь; пре́жде Мене́ не бы́сть инъ бо́гъ, и по Мнѣ́ не бу́детъ. Азъ е́смь Бо́гъ, и нѣ́сть развѣ́ Мене́ спаса́яй. Азъ возвѣ́стихъ и спаса́хъ, уничи́жихъ, и не бѣ́ въ ва́съ чу́ждий. Вы́ Мнѣ́ свидѣ́тели, и Азъ Госпо́дь Бо́гъ. И е́ще отъ нача́ла Азъ е́смь, и нѣ́сть отъ ру́къ Мои́хъ

избавляяй; сотворю, и кто отвратитъ то? Сице глаголетъ Господь Богъ, избавляяй васъ Святый Израилевъ.

Премудрости Соломоновы чтеніе. [Глава 3.]

Праведныхъ души въ руку Божіей, и не прикоснется ихъ мука. Непщевани быша во очесехъ безумныхъ умерети, и вмнися озлобленіе исходъ ихъ, и еже отъ насъ шествие сокрушеніе; они же суть въ миръ. Ибо предъ лицемъ человѣческимъ аще и муку приимутъ, упованіе ихъ безсмертія исполнено. И в малъ наказани бывше, великими благодѣтельствовани будутъ, яко Богъ искуси я и обрѣте ихъ достойны Себѣ. Яко злато въ горниль, искуси ихъ и, яко всеплодіе жертвенное, пріятъ я. И во время посѣщенія ихъ возсіяютъ и, яко искры по стѣблю, потекутъ: судятъ языкомъ и обладають людьми, и воцарится Господь въ нихъ во вѣки. Надѣющіися Нань разумѣютъ истину и вѣрніи въ любви пребудутъ Ему, яко благодать и милость въ преподобныхъ Его и посѣченіе во избранныхъ Его.

Премудрости Соломоновы чтеніе. [Глава 5.]

Праведницы во вѣки живутъ, и въ Господѣ мзда ихъ, и попеченіе ихъ у Вышняго. Сего ради приимутъ царствіе благолѣпія и вѣнецъ доброты отъ руки Господни, зане десницею покрыетъ я и

мышцею защититъ ихъ. Прииметъ всеоружіе — рвеніе свое и вооружитъ тварь въ мѣсть врагомъ. Облечетъся въ броня правды и возложитъ шлемъ — судъ нелицемѣренъ. Прииметъ щитъ непобѣдимый — преподобіе, поостритъ же напрасный гнѣвъ — во оружіе, споборетъ же съ нимъ мѣръ на безумныя. Пойдутъ праволучныя стрѣлы молніины и, яко отъ благокругла лука облаковъ, на намѣреніе полетятъ, и отъ каменомѣтныя ярости исполнь падутъ грады. Вознегодуетъ на нихъ вода морская, рѣки же потопятъ я нагло. Сопротивъ станетъ имъ дѣхъ силы и, яко вѣхоръ, развѣетъ ихъ, и опустошитъ всю зѣмлю беззаконіе, и злодѣйство превратитъ престолы сильныхъ. Слышите убо, царіе, и разумѣйте, навѣкните, судіи концевъ земли. Внушите держащіи множества и гордящіися о народѣхъ языковъ, яко дана естъ отъ Господа держава вамъ и сила отъ Вышняго.

**На литіи стихи́ра хра́ма или́ пра́здника.
И святы́хъ, гла́съ 4. Подо́бенъ: Яко дѣбля.**

Священнымъ помазаніемъ,* и мученическою кровію,* Богу приближишася священномученцы всеславни,* цвѣтъ естественный,* доброта словесная,* премудрости верховники,* правости богословія,* правило вѣры,* всесоставное исправленіе,* и Церквамъ благолѣпіе.

Страждущимъ прославлѣніе,* мученикомъ
величаніе подписующе,* увѣристеся
богомудріи,* дерзати доблественно* на
различныя муки,* и юзы и темницы,* и тѣлесъ
обнаженія,* и вязанія,* и студени
лютыя,* послѣжде и на раны и смерть
священномученцы.

Многообразныхъ ради мученій* совлѣкшеся
умерщвлѣнія,* мученицы славніи,* въ нетлѣнія
ризу облекостеся.* И нынѣ на небесѣхъ
живете,* Божественному Престолю всегда
предстояще.* Тѣмже вѣрою* всесвѣтлую паметъ
вашу празднуемъ,* раку мощей вашихъ
облобызающе.

Слава, гласъ 8:

Во святителехъ и мученицехъ преидосте
преподобніи, вѣрніи явистеся пастырие, и
Христову испивше чашу. Тѣмъ во обоихъ
благоугодивше Христу, тому молитеся о всѣхъ
насъ съ горними слугами, во свѣтъ нынѣ
водворяющеся.

И нынѣ, праздника.

На стиховнѣ стихиры, гласъ 4. Подобенъ:

Яко добля.

Яко звѣзды многосвѣтлыя* мысленно
возсіявше на Церковнѣй твѣрди,* всю тварь
просвѣщаєте,* тму прогоняюще подвигомъ

свѣта,* и чудесъ сіяньми,* тѣмъ днесъ
веселящеся,* совершаемъ свѣтоносную* и
святую вашу память,* священномученцы
славніи.

Стихъ: Священницы Твой облекутся въ
правду,* и преподобніи Твой возрадуются.

Апостоломъ
равночестніи,* священноначальницы
бывше,* помыслъ купноревнительный
восприемше,* не убоявшеся
безбожія* мучительскаго суровства,* но мужески
и крѣпко Спаса проповѣдавше,* претерпѣсте
многоразличныя злобы,* того ради будущая
возданія* нынѣ восприемлете, всемудрии.

Стихъ: Блаженъ мужъ бояйся Господа,* въ
заповѣдехъ Его восхоцетъ зѣло.

Службы приносяще честныя всесильніи,* и
жертву непорочную Владыцѣ
Христу* всесожженія совершенна* Тому
принесосте себе
страдальчески,* священноначальницы
блаженніи,* Егоже молите,* отъ тли и бѣдъ
избавити* вѣрою совершающихъ* честную
память вашу.

Слава, гласъ тойже:

Мученицы непобѣдиміи, іерарси прехвальніи,
и свѣтильницы всемірніи, столпи непобориміи

Боже́ственныя Цѣркве, и степе́нь уче́ній, и наста́вницы благочестивыхъ, и потреби́телие бы́сте ересей, отцы́ богому́дренни, свѣ́тліи наста́вницы ду́шъ на́шихъ, а́нгеломъ собесѣ́дницы, и Трои́цѣ побѣ́рницы.

И ны́нѣ, пра́здника.

Тропа́рь, гла́съ 4, два́жды [пи́санъ на ма́лѣй вечерни] и Богоро́дице Дѣ́во, еди́ножды. И благослове́ніе хлѣ́бовъ по обы́чаю и чте́ніе.

НА УТРЕНИ,

На Бо́гъ Госпо́дь: тропа́рь пра́здника, два́жды.

Сла́ва, святы́хъ. И ны́нѣ, пра́здника.

По 1-й стихоло́гіи съда́ленъ пра́здника.

Сла́ва, и ны́нѣ, тойже.

По 2-й стихоло́гіи съда́ленъ, гла́съ 8.

Подобенъ: Пре́мудрости.

Пучи́ны пре́мудрости уча́ще, духо́вныя глуби́ны, Трои́ческое еди́но Боже́ство проповѣ́дали есте́ преподо́бни, исписавше а́нгельскія чины́, и та́йны тѣхъ сія́ній богому́дри, тѣмъ и ни́жнее святите́льство устроя́юще, ко еди́ному возведѣ́стеся соедине́нію священномученцы́, моли́те Христа́ Бо́га, согрѣ́шеній оставле́ніе дарова́ти, чту́щимъ любѣ́вию святу́ю па́мять ва́шу.

Слава, гласъ 5. Подобень: Собезначальное Слово.

Апостольскимъ вѣщаніемъ огласивше свой умъ, и упасше преподобнии вѣрныхъ составъ, жертву чисту принесли есте Царю и Творцу, воплощшемуся за ны отъ Дѣвы Богородицы, и воскресшему со славою, Егоже предъ мучители исповѣдавше священномученцы.

И нынѣ, праздника или богородичень:

Тѣплая предстательнице и непобѣдимая, упованіе извѣстное и непостыдное, стѣно и покрове и пристанище прибѣгающимъ къ Тебѣ, Приснодѣво Чистая, Сына Твоего и Бога моли со ангелы, миръ дати міру, и спасеніе и велию милость.

По Хвалите имя Господне...

Припѣвъ: Величаемъ васъ священномученцы Христовы, и чтѣмъ святую паметъ вашу, вы бо молитесь за насъ Христа Бога нашего.

Псаломъ избранный: Услышите сія вси языцы...

По поліелѣи сѣдалень, гласъ 1. Подобень:
Камени запечатану.

Плодъ богоразумія воздѣлавше труды своими, изъ корене безбожія исторгли есте остны ученія, и мастію помазавшесе благодатию, упасли есте

люди священномученцы, и законно пострадавшие, сугубы почести отъ Христа сподобистесь. Слава Давшему вамъ крѣпость, слава Вѣнчавшему васъ, слава Дающему вами всѣмъ исцѣленіе. **[Дважды.]**

Слава, и нынѣ, праздника или богородиченъ:

Руцѣ твой божественни, имиже Создателя понесла еси Дѣво Пресвятая, воплощагося благодію, простѣрши умоли Его, избавити насъ отъ искушеній, и страстей, и бѣдъ, хвалящихъ Тя любовію, и вопіющихъ: слава Всельшемуся въ Тя, слава Прощедшему изъ Тебѣ, слава Избавльшему насъ рождествомъ Твоимъ.

Таже, степенна, 1-й антифонъ 4-го гласа.

Прокимень, гласъ 4: Честна предъ Господемъ* смѣрть преподобныхъ Его. **Стихъ:** Что воздамъ Господеви о всѣхъ, яже воздаде ми? **Таже: Всякое дыханіе... Евангеліе Луки, зачало 24.**

По 50-мъ псалмѣ стихира, гласъ 4.

Самогласна:

Яко столпи сущи Цѣркве Христоувы, стѣны разорили есте невѣрствія крѣпко, самобратія мученцы, тѣмъ прежде смѣрти еретическую бурю разрушите, молящися о душахъ нашихъ.

Канонъ праздника со ирмосомъ на 6 и святаго Іаннуарія на 8, гласъ 4.

Пѣснь 1.

Ирмосъ: Трѣстаты крѣпкія, Рождейся отъ
Дѣвы, безстрастія во глубинѣ, души
тричастное потопи, молюся, да Тебѣ, яко въ
тимпанѣ, во умерщвленіи тѣлесѣ побѣдное
воспою пѣніе.

Сый съ воинствы невещественныхъ ангель, и
причастіемъ свѣта незаходимаго дѣшу священно
просвѣщая, просвѣти ми сердце, свѣтоносный
твой днесь праздникъ восхваляюще, блаженне.

Воинство свѣтовидно, священный соборъ
пострада съ тобою терпѣливо, мудре
священнодѣйственне, съ нимиже всяко разорилъ
еси змѣево коварство, претерпѣвъ
многоплетенныя смысломъ муки.

Стопамъ Христа, великаго и перваго Пастыря,
мудре, послѣдуя, обогрѣніи мученія уяснилъ еси
твоего святительства одежду, сего ради тя
почитаемъ ума правостію.

Богородичень: Блажени сѣуть людіе,
Богородице, славящїи Тя, Матерь Божію
неложную, и прїсно блажащїи Тя, Чїстая,
якоже прорекла еси, священно прорицающе,
егда Христа внутрь носила еси.

Катавасія праздника.

ПѢСНЬ 3.

Ирмосъ: *Лукъ сильныхъ изнеможе, и немощствующи препоясашася силою, сего ради утвердися въ Господь сердце мое.*

Зарёю Святаго Духа ограждёнъ, посредѣ пѣщи ликоваль еси, юношамъ иже первѣе преподобнымъ, преблаженне, подобяся.

Чини священныхъ силъ посредѣ пѣщи съ тобою, богомудре, ликоваху, съ нимиже поеши Благодѣтеля, пребывая неопалимъ.

Рѣка, медвена ученій медоточныхъ твоихъ, Ианнуаріе премудре, воистинну языкъ твой бысть, мысли зрящихъ тя наслаждаючи.

Богородиченъ: **Р**асторгни плъницы, Богоневѣсто, грѣховъ моихъ, яже узы расторгши адовы рождествомъ Твоимъ и радости вся исполниши.

Кондакъ праздника и икосъ.

Сѣдаленъ, гласъ 4. Подобенъ: Вознесыйся.

Священія одежду обagrивъ кровей твоихъ омоченіи, свѣтлѣйшу явѣ показаль еси, угодниче Христовъ. Тѣмже вшелъ еси во обители вѣчныя, источая чтущимъ тя исцѣленій пучину и моля всегда Бога всѣмъ дати прегрѣшеній прощеніе. **[Дважды.]**

Слава, и нынѣ, праздника.

ПѢСНЬ 4.

Ирмосъ: Любве́ ра́ди, Ще́дре, Твоего́ о́браза на Крестѣ́ Твоемъ ста́ль еси́, и раста́яшася язы́цы: Ты́ бо еси́, Человѣ́колюбче, крѣ́пость моя́ и хвалѣ́ніе.

Вси́ Со́са діа́кона и страда́льца и священнаго Фа́вста, Проку́ла же вели́каго и Дисиде́рія же со́гласно почти́мъ.

Дрема́ніемъ нечѣ́стія, Проку́ле му́чениче, ты́ ника́коже воздрема́лся еси́, бо́дростьми божѣ́ственными все́ успи́ль еси́ безбо́жныхъ зломы́слие.

Но́ва я́ко Дани́ила тя́, звѣ́рей посре́дѣ со страда́льцы спаса́еть, невре́дна изводи́ма, о Іаннуа́ріе, Христосъ́ Бо́гъ нашъ́.

Богородиченъ: **В**озвели́чимъ еди́ну Благосло́венную, Ея́же ра́ди вельми́ всѣ́хъ благослови́ войсти́нну Всепреблагі́й, отъ Сея́ воплоща́емъ.

ПѢСНЬ 5.

Ирмосъ: Ты́, Го́споди, мой́ Свѣ́тъ, въ ми́ръ пришѣ́ль еси́, Свѣ́тъ Святы́й, обра́щай изъ мра́чна невѣ́дѣнія вѣ́рою воспѣ́вающія́ Тя́.

Крoвію́ священно́ю оде́жду твою́, пребо́гате, соверши́ль еси́ свѣ́тлѣйшу́ и къ Це́ркви Вы́шней́ я́ко священникъ́ пришѣ́ль еси́.

Истѣкши на земли многочестнѣй крѣви твоей, былъ еси исцѣленій рѣка, страстей изсушая потоки.

Неправеднаго судію ослѣплена молитвою твоею просвѣтилъ еси, милосердію Владыки всѣхъ подобяся, пребогате.

Богородичень: Поѣмъ Тя, Еяже ради сущимъ во тмѣ Свѣтъ незаходимый возсія, Богородице, всѣхъ Владыка, и любовію ублажаемъ.

Пѣснь 6.

Ирмосъ: Придохъ во глубины морскія, и потопила мя естъ буря многихъ грѣховъ, но яко Богъ изъ глубины возведи животъ мой, Многомилостиве.

Глаголы знаменія видя тя, соборъ беззаконныхъ, дѣюща, священнотайниче, ко Творцѹ отъ души приходитъ, преславно просвѣщаемъ.

Явился еси прежде конца, святителю, и по божественнѣй кончинѣ, творя множество чудесъ, даръ Святаго Духа отъ младенства приѣмъ.

Нынѣ священнымъ согласіемъ Фавста и Соса вси, Дисидерія съ Евтихіемъ и мудраго Акутіона воспоемъ, и съ Прокуломъ богоноснымъ.

Богородиченъ: Во благодѣяніе челоуѣкомъ отъ Твоихъ Чистыхъ кровей воплощается Богъ Слово. Егоже прилѣжно, Богомати, моли спастися душамъ нашимъ.

Кондакъ, гласъ 3:

Священія помазаніемъ и мученія кровію украсистесь, славне Іаннуаріе и Θεодоре, и сіяете всюду, въ вышнихъ ликующе, и насъ назирайте, въ храмъ вашъ пришедшія и въ немъ непрестанно зовущія: всѣхъ насъ соблюдайте, моляще Человѣколюбца Бога.

Икосъ:

Иже исперва божественную доброту, Іисусе Животодавче, озари мнѣ, яко да воспою Твоя святители, иже по Тебѣ подвигшіяся даже до смерти, и вражію силу низложивше крѣпцѣ, и богомерзское нечестіе обличивше, крестною силою утверждшеся Христѣ, отъ Тебѣ славу пріяша достойно, тѣмже зовемъ имъ: радуйтесь постниковъ всѣхъ основаніе.

Пѣснь 7.

Ирмосъ: Юноши три въ Вавилонѣ, вельніе мучителево на буйство преложше, посредѣ пламене вопіяху: благословенъ еси, Господи, Боже отецъ нашихъ.

Отрокомъ божественнымъ уподобился еси
посредъ пламене, о Іаннуаріе! Сошествіемъ
ангела, ликуя окрестъ и пѣснями тайными Спаса
поя: благословенъ еси, Господи, Боже отецъ
нашихъ.

Безболѣзненъ помысль твой благодатию
Божественною соблюдая, и прежде страданія
недуги исцѣлилъ еси всякія, пастырь, и
мученикъ, и великъ чудотворецъ познаваемъ.

Стоялъ еси предъ судищемъ, мучениче,
мучителей, стражда терпѣливо, и злочестивыя
посрамляя, и прельщеннымъ всѣмъ показуя
истину.

Богородиченъ: Умертви моя движенія,
Пречистая, плотская, яже Животъ рождающая,
оживи, Чистая, душу мою, умерщвленную
страстьми и многими грѣхи.

Пѣснь 8.

Ирмосъ: *Избавителю всѣхъ Всесильне,
посредъ пламене благочествовавшия, снизшедъ,
оросилъ еси и научилъ еси пѣти: вся дѣла,
благословите, пойте Господа.*

Да восхвалятся великій Прокулъ со Акутіемъ,
и Евтихій, и божественный Дисидерій, Фавстъ
же и Сось доблемудреннии, Спаса славніи
мученицы.

Тя ли́къ страда́лецъ блаже́нный верхо́вника притяжа́, попра́, священно́тайниче сла́вне, ве́рхъ де́моновъ, и безбо́жія вознесе́нную горды́ню потреби́.

Якоже о́троцы, о́гнь попра́ль еси́ и звѣре́й стремле́нія обузда́ль еси́, якоже Дани́иль, всеизря́дне, и яко Па́вель, во главу́ усѣ́клся еси́, благоче́стно сконча́въ течене́е твоё.

Богородичень: Всели́выйся несказа́нно во чре́во Твоё, Себѣ́ жили́ще показа́ Тя, Пречи́стая Богоневѣ́сто, Ему́же непреста́нно вопіе́мъ: вся дѣла́, благослови́те Госпо́дня Го́спода.

Пѣснь 9.

Ирмосъ: *Ева́ убо недуго́мъ преслуша́нія клятву́ всели́ла е́сть, Ты́ же, Дѣ́во Богороди́це, прозябе́ниемъ чревоноше́нія мірови́ благослове́ние процвѣ́ла еси́. Тѣ́мъ Тя́ вси́ велича́емъ.*

Ианнуа́рія честна́я борене́я, по́двиги и біене́я, е́же до кро́ве, му́жество, болѣ́зни и ну́ждную сме́рть, чуде́сь же неизме́рную пучи́ну съвеселе́емъ возвели́чимъ.

Видѣ́нь бы́ль еси́ на вы́сотѣ́ честна́го, сла́вне, муче́нія, якоже незаходи́мое со́лнце; яко́ божество́вныя звѣ́зды, мучени́къ мно́жество веды́й и ны́нѣ просвѣ́щаетъ концы́ страда́ній вели́кихъ свѣ́тлостію.

Па́мять твоя́ свѣтоно́сная возсія́, лучи́ Божѣственнаго Ду́ха вѣсь міръ озаря́ючи, омраче́ніе золь отгоня́щи, въ не́йже тя мо́лимъ, богодухнове́нне, просвѣти́ вся, пою́щія тя.

Богоро́диченьъ: Свѣта, иже въ тебѣ́, сія́ніи, ослѣпленную ду́шу мою́ просвѣти́, и руко́ю наста́ви, Отрокови́це, въ пути́ спасѣнныхъ ходи́ти, и прелѣстна отбѣ́гнути преткнове́нія, яко да вѣрою ублажа́ю тя.

Свѣтиленъ. Подобенъ: Жены́ услышите.

Ны́нѣ благонаро́чить яви́ся намъ де́нь, иму́щій священныхъ преѣмникъ священныхъ апосто́лъ, и богоно́сныхъ купно проповѣ́дники вѣры, и непобѣ́димыя мученки, ихже моле́бную па́мять вѣрно вси соверша́емъ. **[Дважды.]**

Слава, и нынѣ, праздника.

На хвалитехъ стихиры праздника 3 и святыхъ 3, гласъ 4. Подобенъ: Яко до́бля.

Священникъ священнѣ́йшій,* страда́лецъ законенъ,* о Іаннуа́ріе, ты́ былъ еси́,* не чуждими кровью́,* но твоими́ па́че* въ са́мое то́ небо вше́дь,* идѣ́же Предте́ча всѣхъ е́сть Иису́съ,* прісно Сего́, о́тче, зря́ и ви́дя,* Его́же а́нгели ви́дятъ.

И мече́мъ усѣ́каемъ,* и на о́гнь помета́емъ,* и звѣре́мъ да́емъ, досточу́дне,* и въ темни́цѣ затворя́емъ на дни́ мно́ги,* непрекло́ненъ

умомъ* силою Божественною пребылъ еси* и
скончалъ еси подвигъ, законно
пострадавъ,* священне чудоносне,* безплотныхъ
собесѣднике.

Дисидерія, и Прокула,* Соса, Фавста,
Евтихія,* Ианнуарія славнаго* и мудраго
Акутіона* согласно почтимъ,* яко мудрыя
священнодѣйственники,* яко вѣнценосцы
мученики,* яко града святаго
граждане,* молитвенники же тѣхъ, блажащихъ
истинны суца.

Слава, гласъ 8:

Во святителехъ и мученицехъ преидосте
преподобни, вѣрни явистеся пастырие, и
Христову испивше чашу. Тѣмъ во обоихъ
благоугодивше Христу, тому молитесь о всѣхъ
насъ съ горними слугами, во свѣтъ нынѣ
водворяющесе.

И нынѣ, праздника.

Славословіе великое. Ектенія и отпусть.

НА ЛИТУРГИИ,

**Блаженна праздника, пѣснь рядовая, и отъ
канона святыхъ, пѣснь 6-я. Прокименъ
праздника и святыхъ, гласъ 7: Честна предъ
Господемъ* смѣръть преподобныхъ Его. [Стихъ:**

Что́ возда́мъ Го́сподеви о всѣхъ, яже воздаде́ ми?] **Апосто́ль дне́ и святы́хъ ко Филипписіемъ, за́чало 247. Амилу́ія пра́здника и святы́хъ, гла́сь 2: Священни́цы Твои́ облеку́тся въ пра́вду, [и преподо́бнии Твои́ возра́дуются. **Сти́хъ:** Уста́ моя́ возглаго́лютъ премудро́сть, и поуче́ніе се́рдца моего́ разу́мъ.] **Евангеліе отъ Луки́, за́чало 77. Прича́стенъ пра́здника и святы́хъ:** Ра́дуйтесь, пра́веднии, о Го́сподѣ, пра́вымъ подоба́етъ похва́ла.**

Источни́къ: **Служба́ свято́му священномученику́ Ианнуа́рію и дружи́нѣ его́,** отпра́вляемая по Церковному чиноположе́нію со всено́щнымъ бдѣ́ніемъ, въ Высокоторже́ственный де́нь Рожде́нія ЕЯ ИМПЕРАТОРСКАГО ВЕЛИЧЕСТВА Благочестивѣ́йшія Госуда́рыни ИМПЕРАТРИЦЫ ЕКАТЕРИНЫ АЛЕКСІЕВНЫ, Самоде́ржицы Всероссі́йскія, Апри́ллія въ 21-й де́нь. — М.: Въ Синода́льной Тѣпогра́фіи, 1765. — 20 л.

